

## **Criterios de Promoción na ESO**

- O alumnado obterá a promoción de curso no caso de superar todas as materias cursadas ou se ten avaliación negativa en dúas materias como máximo, e repetirá curso cando teña avaliación negativa en tres ou máis materias, ou en dúas materias que sexan simultaneamente Lingua Galega e Literatura e Matemáticas, ou Lingua Castelá e Literatura e Matemáticas.
- De forma excepcional, poderá autorizarse a promoción dun alumno con avaliación negativa en tres materias cando se dean conxuntamente as seguintes condicións:
  - a) Que dúas das materias con avaliación negativa non sexan simultaneamente Lingua Galega e Literatura e Matemáticas, ou Lingua Castelá e Literatura e Matemáticas.
  - b) Que o equipo docente considere que a natureza das materias con avaliación negativa non lle impide ao alumno seguir con éxito o curso seguinte, que ten expectativas favorables de recuperación e que a promoción beneficiará a súa evolución educativa.
  - c) Que se lle apliquen ao alumno as medidas de atención educativa propostas no consello orientador
- Poderá tamén autorizarse de xeito excepcional a promoción dun alumno con avaliación negativa en dúas materias que sexan simultaneamente Lingua Galega e Literatura e Matemáticas, ou Lingua Castelá e Literatura e Matemáticas, cando o equipo docente considere que pode seguir con éxito o curso seguinte, que teña expectativas favorables de recuperación e que a promoción beneficiará a súa evolución educativa, e sempre que se lle apliquen as medidas de atención educativa propostas no consello orientador
- A efectos de promoción as materias coa mesma denominación en diferentes cursos da educación secundaria obrigatoria considéranse como materias distintas

## **Avaliación final da secundaria obrigatoria**

- Ao finalizar o 4º curso o alumnado realizará unha proba individualizada pola opción de ensinanzas aplicadas ou pola de ensinanzas académicas.
- Deberá examinarse de todas as materias troncais xerais cursadas en 4º curso; Matemáticas orientadas ás ensinanzas académicas ou ás aplicadas(segundo a opción pola que se examinen), Lingua Galega e Literatura, dúas materias de opción cursadas no grupo de materias troncais do 4º curso, unha materia específica cursada en calquera dos cursos da ESO que non sexa Educación Física, Relixión nin Valores Éticos
- Poderán presentarse a esta avaliación todos os alumnos que obtivesen ben avaliación positiva en todas as materias da ESO ou ben negativa nun máximo de dúas, sempre que non sexan simultaneamente Lingua Galega e Literatura e Matemáticas ou Lingua Castelá e Literatura e Matemáticas. As materias coa mesma denominación en diferentes cursos da ESO consideraranse como materias distintas.
- A proba considérase superada cando se obtén unha cualificación igual ou superior a 5 sobre dez
- O alumnado poderá realizar a avaliación por calquera das dúas opcións de ensinanzas aplicadas ou académicas independentemente da opción na que estivesen matriculados en 4º da ESO, sempre que as dúas materias de opción

que escollan se correspondan coa opción pola que queren matricularse e fagan o exame de matemáticas desa mesma opción. Tamén poderá se o desexa examinarse polas dúas opcións

- Os alumnos que non superen a avaliación final da ESO ou os que desexen mellorar a súa cualificación poderán repetir a avaliación final en sucesivas convocatorias

## **Título de graduado en educación secundaria obrigatoria**

- Para obter o título de graduado en educación secundaria obrigatoria (GESO) cumprirá a superación da avaliación final, así como ter unha cualificación desta etapa igual ou superior a 5 puntos.
- A Cualificación final da ESO obtense cun peso do 70% da media das cualificacións obtidas en todas as materias cursadas na ESO máis un 30% da nota da cualificación da avaliación final de secundaria
- No título debe constar a opción ou as opcións polas que se realizou a avaliación final así como a cualificación final da secundaria obrigatoria. O título pola opción de ensinanzas académicas dá acceso ás ensinanzas post-obrigatorias de Bacharelato. O título polas ensinanzas aplicadas dá acceso ás ensinanzas de Formación Profesional de Grao Medio